

# Bibilia cuna Anapiana Anhacupangisa

## Pascwa yacutoma



Anhaculemba: Edward Hughes  
Anhacupangisa: Janie Forest  
Alastair Paterson  
Anhacusangula: Lyn Doerksen  
Anhcuchinja Mulongero: Sarifo Buramo Cheia  
Anhacuphica: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2020 Bible for Children, Inc.


Lemba apa mulankhulu udhaphatisewe  
bhasa pacuchinja chithancano ichi.

1

Ncazi alimira pazulu  
panthunda pale, na  
maso ache acusucwala  
mbaona piacuiipa  
piculu picachitica.  
Mwana wache acafa.  
Mai uyu acali Malia,  
iye alimira paduzi  
na mbuto ire  
pacakhomerwa  
Yesu pantanda.



2



Piachiticambo tani  
piansene ipi? Tangwi  
yanji upenhu wadhidhi wa  
Yesu wafica cumapeto na  
njira yacuipa  
tenepa?

Tangwi yanji  
Mulungu aleca  
Mwana wache

mbakhomerwa pantanda  
mbafa pepale? Pinalonga  
cuti Yesu adhodhomeca  
pacucumbukira cuti iye  
acali ani? Codhi  
Mulungu aluza?

3



Nkhaberetu! Mulungu  
adhaluza tayu. Yesu  
adhadhodhomeca  
tayu. Yesu acapiziwa  
nacalene cuti Iye  
anazaperecwa cuti  
afe na anthu acuipa.  
Cubhulukira uwanache  
Yesu, nkhalamba  
anachemerwa Simiau  
acadhampanga Malia  
cuti cusucwala  
cuagona cusogolo  
cwaco.


4

Nsicu  
zacuchepa  
Yesu mbasati  
aphiwa tayu,  
ncazi mbhozi  
abwera mbazoza  
mendo yache  
namafuta adhidhi  
cacamwe. "ncazi ali  
cuvunga cobhiri,"  
atoweri ya Yesu  
acadhungunha. "Ncazi achita  
bhasa yadhidhi," Yesu alonga.  
"Iye achita ipi cuna cuikhwa  
cwanga." Mafala anji matswa!



5

Pacumala cwa ipi, Judha,  
mphozi wa atewereri  
aYesu, averana na  
ansembe cuti agulise  
Yesu na macobhiri  
macumi matatu.



6



Pa phwando yacuwambuca ya  
Majudha, Yesu akhala nacusiali  
cwacumalisa na atewereri ache.  
Iye aapanga atewereri ache pinthu  
piculu maningi pia cuziwa Mulungu na  
chipikirwa chache cuna ale asanfuna.  
Natenepa Yesu aapasa ncata na  
ndico cuti agawane. Acu cucali  
cwaanherezeresa cuti  
manungu aYesu na  
chiropa chache  
chaperecwa cuti  
chilekerere  
madawo.

7

Bhuluca pepale Yesu alonga cuna achamwali ache  
cuti Iye anapandukirwa, atewereri ananthawa.  
"Ine nkhabhe thawa," Peduru ampocanha. "Zongue  
mbisati yalira tayu, iye unadikhonda catatu," Yesu  
alonga.




8



Masicu ansicu inere, Yesu ayenda canamata muMunda wa Getsimani. Atewereri ache acakhala na Iye agona chitulo. "Ooh Babha Wanga," Yesu aphembera, "... Chita cuti ndico ichi indipitirire. Mbipisachitike tayu cufuna Cwanga, mbwenhe cufuna Cwanu Bhabha."

9

Chipolipocho, ncumbi wafica mbupita muMunda, mbuperekezwa na Judha. Yesu adhamenhana nawo tayu, mbwenhe Peduru agwanda khutu yamamuna mbhozi. Nacumatama, Yesu aphata khutu yamamuna ule mbaiwangisa. Yesu apiziwa cuti cumangwa cwache ndi cufuna cwa Mulungu.



10

Ncumbi uchu wacwata Yesu cwenda naye cunhumba yanhansembe. Cwecule, aculu amaJudha alonga cuti Yesu asafunica cuti afe.

Peduru alimira paduzi na moto wa nhacapolo mbaona piansene picachitica.



11

Catatu cansene anthu akhalambo na Peduru mbalonga, "Iwe ucakhala na Yesu!" Catatu cansene

Peduru akhonda, ninga picadhalonga Yesu cuti pinazachiticadhi. Peduru acakhonda mbapocanha.



12

COCOLIGOO...!!!

Bhuluca pepo, ndzongwe yalira. Cuna Peduru piakhala ninga ndi fala yaMulungu muntima mwache. Mbanherezera mafala aYesu, Peduru alira nacuvacupha muntima mwache.




13

Judha avambo

cudhawa muntima mwache.

Iye azindikira cuti Yesu acadhadhawa tayu, acakhala namadhawo tayu ne cupha munthu. Judha acwata cobhiri cuenda caibhweza, mbwenhe anhansembe akhonda cuitambira. Judha acwata cobhiri mbaiponha pansu, mbabhuluca cunja mbaenda camangica nankhambala akhene.




14




Anhansembe abweresa Yesu pamaso pa Pilatu, ntongi wa cuRoma. Pilatu alonga, "Ine sidhaona cuipa tayu muna mamuna uyu." Mbwenhe mbumba yapitirira mbikhuwa, "Nkhomereni! Nkhomereni!"

15



Natenepa Pilatu avera mbumba, atonga cuti Yesu afe pantanda. Anhakhondo amenha Yesu, amphulira mata cunkhope, mbamenha puradha cunkhope. Asasanha nkhatu yaminga yaculapha mbanfekeza munsolo mwache. Bhuluca pepo awene ankhomera pantanda cuti afe.

16



Yesu acapiziwa cale cuti anazafa tenepo. Iye acapiziwambo cuti cufa cwache mbucudhabweresa culekelerwa cuna adhawi anakhululupirira Iye. Anhamalwa awiri akhomerwambo pabhozi na Iye (mbhozi cuncono wamadyo, unango cuncono wazwere). Nhamalwa mbhozi akhululupirira Yesu pantanda - natenepa ayenda Cuzulu. Unango adhayenda tayu.

17



Padhamala nthawi zingasi zacuthabhuca, Yesu alonga, "Piacwanisica," bhuca pepo mbafa. Bhasa yache yafica cunkhomo.

Achamwali ache ayenda camuikha munthumbi yacusiana na nthumbimbo zinango.

18



Anhankhondo awaRoma atumwa cuenda calindira nthumbi ya Yesu. Pacalipo tayu njira cana mpata wacuennda peno nacubhuluca cunthumbi cule.

19



Mbipidhakhala cuti pionsene piadoroma tenepa, cusucwala cuculu mbucudhakhhalapo cuna anthu onse. Mbwenhe Mulungu achita chinthu chinango chiculu cacamwe.

Yesu adhakhala wacufa tayu!

20

Dzwo namachibhesiene apansicu yacutoma yasumana, atewereri anango aYesu adhagumana mwala wapansuwo yanthumbi wagwinhiwa pakhundu. Padhaponhewo maso ncata mule,



awona cuti Yesu akhalimovi tayu.

21

Ncazi mbhozi asalira pepo mbalira piache paduzi na nthumbi. Yesu abhulukira cuna iye! Ncazi athamanga nacucomerwa cwenda cavunza atowereri anango. "YESU ALIMASO! YESU ALAMUCA MULI WACUFA!"



22

Nacuchingiza Yesu abwera cuna atewereri ache, mbaapangiza madhazwi acukhomerwa cudhachitwa Iye. Picali ndipiodhi. YESU ACALIMASO PINA! Iye alekerera Peduru nacukhonda Yesu cudha chita iye, Iye avunza atewereri ache cuti alonge culi anthu ansene tangwi ya Iye. Bhuluca pepo abwerera cuenda cuzulu cudhabhuluca Iye panatari ire.

23

Pascwa yacutoma

Chithancano chafala yaMulungu, Bibilia,

Chisaonecwa mu

Mateyu 26-28, Luka 22-24,  
Juwau 13-21

"Mapitiro aMafala Anu asapasa chieza."  
Salmu 119:130

24

CUNKHOMO

54



60

25

Chithancano ichi cha muBuku chisatipanga na pia Mulungu wathu wanculu adhatichita ife, Mulungu Ule anafuna cuti iwe umuziwe.

Mulungu asapiziwa cuti ife tachita pinthu piacuipe, pire pinachemera Iye picadho. Mbhairo wapicadho ndi cufa, mbwenhe Mulungu asacufuna piculupiene, Iye atuma Mwana Wache mbhoziene bhasi, Yesu, cuti afe paNtanda, mbaoneswa nhatwa nathangwi yapicadho piaco. Bhuca pepo Yesu akhala pina maso mbabwerera cunhumba Cuzulu! Iwe ucantawira Yesu mbumpidhiri cuti aculekerere piacuipe piaco, Iye anapichita! Iye anabwera mbakhala muncati mwa iwe chinchino pano, pina, iwe unazakhala na Iye cwenda-na-cwenda.

Khala iwe wapitawira cuti ipi ndipiodhi, longa tenepa cuna Mulungu: Yesu wacufunica, ndatawira cuti Iwe ndiwe Mulungu, mwachitica munthu cuti mufere piacuipe pianga, chinchino imwe muli maso pina. Ndapota, bwerani, mupite muntima mwanga, ndilekererereni madhawo anga, cuti ndikhale na upenhu utswa chinchino pano, pina, nsicu ubhozi ndizakhale na Imwe cwenda na cwenda. Ndiphezeni cuti ndicuvereni pina ndikhale Wanu ninga mwana Wanu. Amen.

Werenga Buku, longa na Mulungu nsicu zansene! Juwau; 3:16

26